

**Najib Nasihati Pelajar Di Luar Negara Sumbang Ke Arah Kejayaan Malaysia
Bernama
22 Ogos, 2012**

KUALA LUMPUR, 22 Ogos (Bernama) -- Perdana Menteri Datuk Seri Najib Tun Razak menasihati pelajar Malaysia di luar negara agar belajar bersungguh-sungguh dan menguruskan diri dengan baik supaya dapat membuat sumbangan kepada kejayaan negara.

"Teman pelajar saya di luar negara, anda adalah duta kecil negara. Belajar bersungguh-sungguh dan mengurus dirimu dengan baik untuk membantu negara anda berjaya," twit beliau pada pukul 10.30 malam hari Selasa.

Pada 1 Syawal Ahad lalu, Najib turut menyampaikan mesej yang sama semasa mengadakan sidang televideo secara serentak dengan pelajar dan duta Malaysia di lima negara di Seri Perdana, Putrajaya.

Sidang televideo selama 45 minit itu diadakan sempena sambutan Hari Raya Aidilfitri, bersama perwakilan dari Jakarta (Indonesia), Canberra (Australia), London (United Kingdom), Beijing (China) dan Tokyo (Jepun).

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=689127>